



Ain Christlich bedencken der Schlesier. : Ob Judas, vnd die vnglaubigen falschen Christen, den leyb vñ[d] das bl?t Jhesu Christi, im Sacrament deß Nachtmals ettwan empfangen, oder auch noch heüt empfahren vnd niessen mögen. ...

<https://hdl.handle.net/1874/430164>

11

Ein Christlich bedencken
der Schlesier.

Ob Judas/ vnd die vnglaubigen falschen Christen/ den leyb vñ das blüt Ihesu Christi/ im Sacrament des Nachtmals ettwan empfangen/ oder auch noch heüt empfangen vnd niessen mögen.

Christus.

Ich bin das lebendig Brot/ das da ist vom hymmel gestigen
So yemandt von diesem Brot wirdt essen/ der wirdt leben in ewigkait.

Gaspar Schwenckfeld.

Auf diser klainen anweysung / möchte ain yeder
Christglaubiger / der sich nur in Gottes forcht
etwas weiter wil umbsehen / ja etlicher massen
bedencken / Was / vnd wa / sein Herz vnd Säligmacher
Christus sey. Wie auch sein leyb vñ blüt / soll oder möge /
genossen vnd empfangen werden / wann warumb so
bald auffem grund beweyset vñ erhalten wirt (welchs
aber beim erkandnus Christi gar leicht zuthun ist) das
judas der verräter des Herrn / der mit dem Sathan war
beseffen / den waren leyb vñ blüt Cristti / die herlich speiß
des ewigen lebens / im Nachtmal / kains wegs hab
pfahen oder genieffen mögen / ob er wol das Brot des
Herrn / die Eucharistia / vnd das sichtig Sacrament da-
selbst neben den andern Jungern / im aber züm gericht
hat empfangen. So ist darauff on allen weytern zank
vnd vnruw / auf Gottes gnaden leicht züuernemen vñ
gründelich züschliessen / wie es mit dem Nachtmal des
Herrn zügee / von wem vnd wie die gaistlich hymlich
speiß / das Brot des ewigen lebens / müß empfangen vñ
genossen werden. Vnd wie auch die wort vom leyb vñ
blüt Christi im Nachtmal / des gleichen Pauli / vom vn-
würdigen essen des Brots des Herrn. ic. sollen recht auß
gelegt geurtailt / vñ verstanden werden / Got der Herr
wöll vnser hertz bewegñ / auß dz wir vns im ernst zü im
keren / omb eröffnung des sinns vnd omb erleuchte au-
gen des gemüts bitten mögen (davon Lu. xxiij. vñnd
Eph. i. steet geschriben) züm rechten verstand der ge-
schufft / vnd züm erkandnus Christi / der götlichen ewi-
gen warhait.

26.
Nun folgen ettliche schrifft vnnnd vrsachen/das Judas/vnnnd die vnglaubigen falschen Christen/den leyb vnd blüt Christi/im Sacrament des Nachtmals nit empfaben oder messen mögen.



In ersten/der leib Cristi der für vns gebrochen/ist ain speys die da nit verdirbt/es ist ain gaisstliche hymliche esälige speis/die da wirdt getragen vñ außgetailt im lebendigen wort des vatters/speist vnd bleibt ins ewig leben!

Johann. vi.
Joh. i.

Darumb so kan sy durch nichts anders daß durch etwas/das gaisstlicher art oder natur/vnd der selben speis empfanglich ist (nemlich durch ainen waren glaubn) erraicht begriffen vnd empfangen werden. Also auch vom blüt Cristi zü redn/welchs ain gaisstlicher himlicher tranck/ain tranck des newen ewigen Testaments ist/vnd wirt in nichts anders dann im gaisstlichen waren lebendigen glauben erraicht vnd empfangen. Niemand dann nu in keiner andern weiß mit vnserm herren vnd Got Christo/wann alain durch den glauben kan handeln/vnnnd das ganz leben des gerechten ist der glaub. Ro. i. Gal. ii. Judas aber vnd die vnwürdigen falschen Christen haben weder glauben noch gefäß/darinn sy solche ewige hymliche speis vnd tranck/holen vnd behalten möchten. Der leyblich mund vermag es kain ort zü erraichen oder zü fassen/Got vnd der herr Christus leydet es auch hin für nit/das etwas leyblichs vnd eüsserlichs den leyb seiner clarheit/vnd das blüt des newen ewigen Testaments ergreiff/oder damit ainiger lay weiß vermengt werd/darum so künden auch weder Judas noch die vnglaubigen vnd vnwürdigen menschen/ain leyb vnd blüt Christi kain tail noch gmainschaft haben.

Danon
Joh. xi.
ij. Cor. v.

Zum andern/der herr Christus ist das ewig leben/vnder

Augusti. s.
per Joann.
tract. xvij.

Joan. vi.

Vom blüt
besprenghg.
Sebrico. xij.

tailet durch sein flaisch vnd blüt nichts anders auß dan das
er selber ist/ nemlich/ das ewig leben. Darumb so gibts vn-
ser Christlicher glaub/ das auß seinem essen köme das leben/
vnd wer in isset der müsse vmb seiner willen leben/ wie es dan
auch des Herren selbst wort vermögen im Johanne/ da er
spricht. Wer mein flaisch isset/ vñ trinckt mein blüt/ der hat
das ewig leben. Er schleißt gar nyemandt auß/ wer es isset/
vnd so bald ers isset/ hat er das Götlich ewig leben empfan-
gen/ allhie nach art vñ warhait des waren glaubens. Dan
alles was zu Christo kömet/ das will er nit auß werffen er be-
helt es in ihm vnd gibt ihm das ewig leben.

Wa aber die vnglaubigen falschen Christen/ den leib vnd
blüt Christi ainiger lay warer weys empfiengen/ so müßt vn
widersprechlich folgen/ aint weders das sy dardurch dz ewig
leben empfiengen/ vñnd in Christo bliben/ vnangesehen all
iren vnglauben vñnd ir böses sündliches leben. Oder aber
das Christus seiner Götlichen krafft vñnd macht in solcher
nissung beraubt wurde. Es müßt der leyb vñ blüt Chri-
sti sein eigenschafft/ natur vñnd wesen/ bey ihnen verlieren.
Dan mein flaisch spricht der Herr/ ist warhafftig ain speiß/
vnd mein blüt ist warhafftig ain tranck. Nun wer aber di-
ser gestalt das flaisch oder der leyb Christi/ bey Judas vñnd
den vnglaubigen/ ain todter leyb vñ flaisch/ on Got/ leben/
vnd hymliche klarheit. Es wär ain speiß on krafft vñ na-
rung. Des gleichen wär das blüt Christi/ bey solchen nit ain
tranck/ so es doch warhafftig ain himlischer ewiger tranck
ist. Item es wär ain blüt on alle krafft vnd wircklichkeit/
das weder besprenge noch hailigete/ vnd das auch nit die
sünd abwiesch/ welches aber nun allweg sein eigenschafft
krafft vñnd art ist/ wie es dann von dem kostbarlichen blüt
Christi nimmer meer kan gesündert werden.

In Summa/ es müßt sich diser opinion nach/ wa die vnge-
laubigen/ mit dem leib vnd blüt Christi solten gespeiset wer-
den/ der götlich yetze vnwandelbar leyb vnd blüt Jesu Chri-

sti vnser herren/ der nun in der Glou ist des vatters im him
lischen wesen/ nach der sündelichn dürffeigen creatur/ wan
deln lencken oder richten. So wir doch vil meer / ja allain/
nach im (durch den hailigen gait) sollen zuberaitet gericht
vnd formiert werden.

Darumb ob wold das sichtig Sacrament offemals ja all
weg von den vnglaubigen zum gericht vnnnd straff genom
men/ so kan doch der lebendig machend leyb vnd blüt Christi
im wort/ von nyemandes wann von den glaubigen vnnnd
nymmer anderst/ dann zur ewigen seligkeit empfangen vñ
genossen werden.

Welchen nun über das/ von ainem andern leiblichen essen
vnd trincken des leibs vnd blües Christi etwas weiter s für
geben dann die wort des Herrn vermögen/ dardurch sy all
hie vñ beim sechsten Capittel Johannis entgegen wöllen/
(als ob solt Christus bey der einsetzung des Sacraments im
Nachtmal mit den worten von seinem leib vnd blüt/ etwas
anders dann erzünor im Johanne von seinem flaisch vnnnd
blüt gelet/ beschlossen haben) Die selben mögen sich beden
cken/ was sy nur auß dem ainigen vnzertailigen lebendigñ
Christo/ vnd auß seiner beständigen leer/ von seinem flaisch
vnd blüt machen wöllen/ oder wie ferr sy den erhöchten glo
rificierten Christum kennen/ in preysen/ sein wort vñ tailen
vnd annemen. Dan es ist ja das wort des Herren von seinem
leib flaisch vnd blüt/ baide im Johanne vnd im Nachtmal/
gait vnd leben/ wie es dann der gelaubigen seel hymlische
gaitliche schetz für trege vnd außspendet. Es ist auch nun
Christus auß der gewalt vnd hend der sündler gefreyet/ vnd
auß der stund der finsternuß erlöset/ darumb er im Johanne
den vatter gebeten/ vnd ist auß diesem alten irdischen we
sen/ ins überhymlich ewig new wesen eingegangen. Dar
umb so sollen die heiligen in dem fürstichtig sein/ was sy inen
ferrner zwen oder zwayer lay Christus machen würdñ/ nem
lich ainen für die Gotlosen on krafft/ den die selben entpfaz

Joh. viii.

72
hent möchten (ja der jenen gessen gift vnd tod sey / wie sy für
geben) Vnd den andern mit lebendiger wircklichkeit für die
glaubigen ic. So mögen sy wol auffschawen / dz sy damit den
ainigen rechten Christum / der nun vnd allweg die speiß des
ewigñ lebens ist / nit gar verlieren / oder aber in (wa es mög
lich) seiner ewigen krafft wesens vnd heurigkeit berauben.
Daran sollen sy im Herren Christo trewlich gewarnet sein.
Vnd auff das sy die menschen von der ainfalt die in Christo
ist / nit auff ain ander leyblich essen seins leibs / über dz ainig
gaistlich abfüreren / Das sy auch bey dem ainigen maister
Christo / seinen leyb / sein Nachtmal / speiß / vnd tisch gest des
selbigen / gaistlich vnd ordenlich / wie es vor Got sein soll / vn
derschaiden lernen. Dañ es wär ja vil besser / sich Jhesu Chri
sto / dem wort / der warhait zu vndergeben / vnd die gewissen
viler bekümmerten menschen nit weyter betöden. Sy wer
den doch sunst wider Christum / vnd wider sein aufgeend er
kantnuß / endlich / nichts künden aufrichten. Got der Herr
wöll vns auff allen teilen erleuchten mit gnaden / Amen.

Mat. ix.

Zum dritten / so folget nun weiter / nach dem der Herr
Christus sagt / das nyemandt newen wein in alte schleich
fasse. Das blüt aber Christi / ist der new hynlich wein vnd
tranc / ain blüt des newen ewigen Testaments / von dem
waren weinstock Christo / am creüz auß gepresset / vnd zur
vergebung der sünden vergossen.

Mat. xxvi.

Eph. v.

**So folget das auch allain die newen glaubigen men
schen / die kinder vnd erben der Testament Gotes / nit aber
die fremddingen / alte vnglaubige menschen / des selbigen
lieblichen trancs genieffen / vnd daran mögen teil haben.
Vil weniger kan das blüt des newen ewigen Testaments
mit andern vergencklichen irdischen creaturen vermengert
oder eingemischet werden / sonnder es wirdt im Nachtmal
des Herren vnd sunst / genossen auß dem wort Gottes allain
durch ainen waren lebendigen glauben.**

Roma. iij.

Zum vierden. Christus ist die gerechtigkeit Gottes / was

hat aber die gerechtigkeit für genieß mit der vngerechtig-
 keit: Christus ist das himlisch licht / was hat aber das licht
 für gemeinschafft mit den finsternussen? die das licht nit
 künden begreifen. Christus ist die ewig vnwandelbar war-
 hait / wie mag die selv von der lügen / das ist / vonden Got-
 losen vnglaubigen menschen / ainigerlay warer weys em-
 pfangen werden? Christus ist der frid / die Gottlosen haben
 keinen frid / wie der Propheet sagt. In summa / was hat Chri-
 stus mit Belial zuschaffen. ii. Corinth. vj.

Eph. ij.
 Esa. xlvij.
 Non est par
 impijs.

Wieweil aber Christus allweg der selbig ainig Christus ist
 vnd bleibe / in seiner glori vnd herrligkeit / darinn die Gott-
 losen vnglaubigen nichts zuthun haben / dahin sy auch nit
 raichen. So folget on alle widerred / das die vnglaubigen
 falschen Christen / am leyb vnd blüt Christi keinen tail noch
 gemeinschafft mögen haben.

Darum spricht auch der hailig Joannes in seiner Epistel.
 So wir sagen / das wir mit im gemeinschafft haben / vnd
 wandeln in der finsternuß / so liegen wir / vnd thun nicht die
 warhait. **W**iemöcht aber allhie grösser gemeinschafft mit
 Got sein / dan essen vnd trincken / gespeysset vnd genert wer-
 den / mit dem flaisch vnd blüt seines suns Ihesu Christi.

Wenn wir nun sagen / das die so im finsternuß wandeln /
 die so noch vor Got tod / vñ mit Christo nit aufferweckt seind
 (das seind die vnglaubigen falschen Christen vñ flaischliche
 menschen) den leyb Christi essen / vnd gemeinschafft daran
 haben. Was thünd wir anders / dann wie Johannesch-
 reyber / das wir liegen / vnd bezeügen das die götlich war-
 hait (ja Christus der Herr) warhafftig nit in vns sey.

Zum fünfften. **E**s kan nyemandt genießen vnd essen den
 leyb vnd blüt Christi / er sey dan ain glid Christi / er sey dann
 ain gaist mit Christo / vnd hale sich an das haubt Christum.
 Die vnglaubigen falschen Christen seind nit glider des leibs
 Christi / wie sy dann Christo dem haubt nit seind eingeleibt /
 noch mit ainem gaist im angeheffet / sy seind außwendig

Eph. iij.

Luce. vii.

dem leyb Christi glider des Sathans. **A**ber eben als wenig der Sathan den leyb Christi / der da allweg ist ain leyb des ewigen lebens / empfahen vnd geniessen mag / so wenig wer dens auch seine glider thun mögen. **N**un ist der leib Christi im Sathan nit darumb gemessen / seind auch nit die gelider des Sathans. **E**s ist auch vnmöglich / das ain glid auff ain mal mög des Sathans vnnnd zugleich ain gelid Christi sein / dann sy seind widerainander. **V**nd wie Paulus sagt. i. Cor. vi. **E**s künden nit die glider Christi / glider sein meretricis das ist der vnzucht.

Darauf abermals vnwidersprechlich folget / das Judas vnd die Gotlosen vnglaubigū menschen / die da seind glider des Sathans / vnnnd ausser dem leyb Christi / nit mögen mit dem leyb der klarheit vnd herrlichkeit gespeysset / Desgleichen auch nit / mit dem kostbaren blüt des newen vnd ewigen Testaments getrenckt werden. **E**s sey dan das sy ware büß würcken / von irem sündlichen leben absteen / im gehorsam des glaubens Christo nach folgen / vnd in das reich seiner liebe durch ainen waren glauben versetzet / vñ in eingeleibt werden.

Zum sechsten. **W**er das sagt das die vnglaubigen falschn Christen den leyb Christi empfahen mögen / der zertailt Christum / ersündert den leyb Christi vom ewigen wort des vatters / darinn doch der leyb Christi ist / in gleicher eer / macht / vnd herrlichkeit verainiget mit dem wort des vatters / vnd wird von dem wort (das Gott ist) in ewigkeit nit geschaiden. **D**ie gotlosen vnglaubigū mögen das wort des vatters / weder hören noch empfahen / wie sy dan nit auß Got seind / darzu ain vnbeschnittens hertz mund vnd oren haben. **S**oltten sy nun über das / den leyb vnd blüt Christi geniessen mögen / so müßt es ye ain annderer leyb sein / dann der mit dem wort verainiget / oder es müßte der leyb vom ewigen wort abgefündert / vnd Christus zertailt werden.

Item / es laßt auch ain solcher / Christum nit ainen hohen

Johan. viij.

Hebr. vii.

Priester vnd mietler bleiben bey dem vatter im hymliſchen wesen / Erzeuht in widerumb in diſſ yrdiſch wesen / vnd vnder wirfft in den ſundern. **D**o doch Chriſtus vnſer hoher prieriſt von den ſundern abgeſuindert / vnd hoher worden dan die hymel / Iſt er von den ſundern abgeſuindert / ſo gebürt im auch ain hailiger Tabernackel / tempel vnnnd wonung / nit aber das hertz aines vnglaubigen Gotloſen menſchen / ſunder ain newes hertz / ja der hymel ſelbs / darin auch alle glaubigen iren wandel vnnnd gemeinſchafft haben. **S**ye ſind in Chriſto / vn Chriſtus widerum in jnen / wie die gſchriſt ſagt / daſy auch Chriſtus vertritt bey Got ſeinem hymliſchen vatter / vnd nicht in jr kainer yrdiſchen Creatur aufferden.

Zum ſibenden. **G**od die Gotloſen vnglaubigen / den gloriſficierten erhöchten Chriſtum vnſern Got vnd Herrn zu ſich nemen / ſo künd es nit anderſt ſein / er wurde in jnen mit gerechtigkeit / freud vnd frid im hailigen gaiſt / herſchen vnd leben / auch ſich bey jnen krefftig regen vnd beweyſen. **D**an wa er weſentlich iſt / da müſer als ain König der eer vnd herrlichkeit / leben / herſchen / vnd regieren. **E**r iſt nu / nach dem er daſ hymliſch reich eingenomen / allweg dauon vngeſchaiden / Vnnnd wie gehört / ſo wurde der Gotloſ vnd die alt creatur / eben als wol als ain Chriſt glaubiger newwer menſch / Gottes tempel vnnnd wonung ſein mögen / welches doch wider den Chriſtlichen glauben / wider die eer / vnd wider das reich iſt / vnſers Herren Iheſu Chriſti.

Zum achten wirdt man nu ferner leicht verſtehen künden / das nyemandt eſſen kan vom leyb vnd blüt Ieſu Chriſti / der nit hunger vnnd durſt hat nach der Götlichen gerechtigkeit / der ſich nit von hertzen vnnnd im ernſt ſenect nach der ewigen ſeligkeit. **W**ie auch die ſchriſt dauon zeügnuß gibt / Das allain die hungerigen geſettiget vnnnd mit den hymliſchen gütern erfüllt werden. **I**tem der nit vom vatter zu Chriſto wirdt gezogen / der nit kompt zu Chriſto / der nit ſucht was d oben iſt / da Chriſtus iſt ſitzend zur rechten Gottes / der ſich

nit brüeset / noch kein hochzeit klaid antregt / gebort nit züm
tisch des Herren. In summa / der nit außem hymlischen was
ser vnd dem hailigen gaist / von oben herab wider geboren /
vnd ist nit ain newer mensch worden / der ist vnwürdig das
hailig sacrament zünemen / vnd mit dem hymlischen künig
Christo sein Nachmal zuhalten. Dabey dann alle vnglau
bige flaischliche menschen / von der edlen speiß der teuren vñ
allergrösten verhaßung / on mittel werdñ außgeschlossen.

Zum neündten. Es wären diser gestalt vnser Mysteria
der warhait im newen Testament vil geringer / dan die my
steria der vätter im alten Testament ye gewesen sein / dauon
doch die vnbeschnittnen vnraimen vnd frembding abge
sündert wurden / wie vil meer sollen die Gotlosen vnglaubigen
so noch kinder des zorns / nach dem flaisch wandeln / vñ
vnder der maledeyung verharren / von dem Brot der kinder
Gotes vñ vom ainigen gehaimnuß / das Christus ist / abge
sündert vnd außgeschlossen werden. Darumb zü gleicher
weiß / wie etwan der flaischlich Israel von dem figurlichen
Osterlemble nit essen künde / er müßt züvor nach dem gesetz
die eüsserlich rainigung haben. Also vil weniger kan nun in
der erfüllung der warhait / der mensch das innerlich rechte
Osterlemble Christum essen / es sey dann das er züvor die in
nerlich rainigung / vnd ainen waren glauben habe.

Zum zehenden. Unser Herr Christus sagt im Marco / das
allain seinen Jungern (das ist den rechten warhafftigen
Christen) sey gegeben zü erkennen das gehaimnuß des reichs
Gottes / den andern aber die daussen seind / geschehe es alles
in gleichnussen / das sy es mit sehenden augen sehen / vñ doch
nit erkennen / mit hörenden oren hören / vnd doch nit ver
steen. Diweyl aber das Nachmal des Herren ain groß ge
haimnuß ist / vnd die gaisstliche speisung sampt der nießung
des leyba vnd blües Christi das fürnemest ist im Nachmal
(nach dem es dann auch nit vergeblich etwa Mystorium fu
dei / das ist ain gehaimnuß des glaubens / ist genent wordñ)

So wirt ja nyemande dasselbig gehaimnuß künden gründlich versteen / den leyb vñ blüt Christi warhaffteig niessen vñ vnder schaiden er sey dan ain Junger des Herren / vnd haben ainen waren lebendigen glauben. Wiedann auch der Herr verbotten / das man nit soll das hailig hūmb den hunden gebū / noch die perlen für die schwein werffen. hat er on zwey fel solchs selbs gehalten / vnd seinen leyb vnd blüt dem Judas zur speiß nit gegeben / Dan ob wol Judas des Brots des herren / vnd des eüsserlichen Nachtmals / neben den andern / gemainschafft gehabt hat / so hat er doch daran das gericht geessen / vnd ist schuldig worden des leibs vñ blüts Jesu Christi / vil weniger / das er die speiß des lebens solle geessen oder empfangen haben. Vnd darum so künden die Gotlosen vñ gläubigen falschen Christen eben als wenig als Judas / an dem grossen gehaimnuß der menschwerdung vñnd an der speysung des leybs vñnd blüts Christi / weder teil noch gemainschafft haben.

Zum Ailfften. In gleicher weys wie sichs nu helt mit der Predige des worts / mit den schlüsseln der gemain / mit dem Tauff vnd andern gaistlichen hendeln / also helt sichs auch auff seinem ort mit dem Nachtmal oder mit der raichung des Sacraments des leibs vnd blüts Jesu Christi. Nach dem aber die vngläubigen falschen Christen bey den ersten stücken allain das / was eüsserlich ist im handel Gotes / nit aber das gehaimnuß / den hailigen gaist vnd die lebendig krafft Gottes Gots selbs / von dienern empfaen künden (wie nun auß den worten des Herrn in Marco vñnd sunst anderstwa meer gehört) so künden auch dieselben beim Nachtmal allain das Brot des Herren empfaen / sy künden nit das brot das der Herr selber ist / das er auch selbs gibt vnd austrailt / genieessen. Welchs vns dan neben vil andern bewerungen / ain klar exempel in Matheo wirt für geschriben / da der herr seinen Jungern befiehlt / Das / wa sy in ain haus geen / sol len sy dasselbig grüssen / vnd so es das haus wirdig ist / spricht

Danon i. Corin. 10.

Mat. 23.

i. Cor. vi.

i. Cor. ij.

der Herr / wirdt ewer frid auff es kōmen / ist es aber nit wir-
dig so wirdt sich eürwer frid wider zu eüch wenden / **Wie** nun
die vnglaubigen bösen vnwürdigen menschen / den frid des
Euangeli nit empfaben künden / so künden sy vil weniger
den ainigen geber des frids / vnsern herrn vnd Got **Jhesum**
Christum / seinen leyb vnd blüt / essen vnd empfaben / so lang
sy Gottlos / vngleübig vnn vnnwürdig bleiben / **Der** mensch
briese sich aber / wie Paulus leret / bette vnd rüffe im ernst zu
Got / auff das er erkennen vnn wissen mög / ob er in seiner
gnaden / im glauben vn in der göttlichen huld stee / auff das
er auch darin ye lenger ye meer auffwache vnd zuneme zum
ewigen leben / durch vnsern Herrn **Jesum** Christum.

Zum zwölfften / **G**obeschliessen wir nun mit dem hailigen
Paulo / Nach dem der natürlich flaischlich oder selig mensch
nichts nimpt oder nit empfähig ist / der ding die des gaissts
Gottes seind / wiedann auch herwiderumb folgt / was der
pur natürlich mensch on Gottes gnaden versteen oder em-
pfaben kan / das es nit sey des gaissts gottes. **Der** leyb Christi
aber / ist nit on den gaisst Gottes / ja er ist selber im götlichen
wesen nun ain leyb des ewigen worts / vnd ist durchs wort /
das / was Got ist. **Die** gotlosen vnglaubigen / seind pure na-
türlich menschen / vn haben der ersten geburt nach / nit den
gaisst Gottes / darumb so seinsy des leybs vnn blüts Christi
nit empfencklich. **Item** / seytenmal auch nyemande **Jesum**
kan (warhafftig) ainen herrn haissen on den hailgen gaisst.
i. Cor. vii. So wirdt vil weniger yemande seinen leyb vn blüt
warhafftig essen vnd niessen künden on den gaisst des glau-
bens. **Vnd** insuma / nach dem nyemande zugleich kan trin-
cken des Herrn kelch / vnd der teüffel kelch / nyemande kan zu-
gleich tailhafftig sein des Herren tischs vnd der teüffel tisch
i. Cor. x. wiedann auch nach den Worten Christi nyemande
zugleich kan zwayen Herren dienen / Got vnd dem **Wam** /
mon / so folge darauff beschließlich / das weder Judas / noch
die Gottlosen vnglaubigen falschen Christen / in kainer lay

Joan. vi.

warer weiß mögen essen oder trincken vom leib vnd blüt des Herren Jesu Christi.

Wo vil sey dismals vnserm Herrn Ihesu Christo züeren / vnd zür vndercheidung seines hymlichen reichs / von dem reich des Sathans / in ainer kurzen Sum angezaigt. Das weder Judas noch die Gotlosen vnglaubigen falschen Christen (sunderlich nun hinsür / nach dem der Herr Christus ist aufgenommen in die herligkait) mit Christo / künden gmain schaffe haben / vil weniger kan sein leyb vnnnd blüt von ihnen genossen werden / oder auch mit andern vergencklichñ creaturen außserhalb dem glaubigen menschen ainigerlay warer weiß verainiget oder vermengert werden. Sunder wie der Herr Christus allain gaisflich will wonen in der glaubigen hertzen / im hailigen gaisf / so will er auch mit seinem leyb vnnnd blüt allain gaisflich im wort (nit aber leiblich im Brot des Nachtmals) die waren Christen speisen durch ainen rechten glaubñ. Er zeucht das glaubig hertz von allem dem das im züwider vnd entgegen ist / auß disem yrdischen wesen vnd wandel über sich / zü sich / vnd in sich / in ain ander wesen / in das gaisflich hymlich wesen / darinn er das selbig er frewet / speiset / füllert vnd setzigt / mit sein götlichen gnaden / vnd mit dem Brot des ewigen lebens. Wie er dan auch im Johanne hat verhaissen / da er spricht nach andern worten. Wenn ich erhöhet wurde von der erden / so will ich sy alle zü mir ziehen / vnnnd aber. Wa ich bin da wurde auch mein diener sein. Vnd das ist die verainigung Christi des haupts / mit den gliedern seines leybs / darvon zün Ephesiern in der ganzen Epistel durch außreichlich steet geschriben. Also hat auch der herr Christus im Nachtmal die glaubigen junger / durch die allmechtig krafft seines götlichen worts / mit seinem leib vñ blüt gaisflich im wort gespeiset zün ewigē leben. Darumb so sollen die wort des Herrn / von seinem leyb vñ blüt im Nachtmal / nit allain leiblich als aines menschent wort gehört / sunder vil meer gaisflich / vnd als Gottes wort

i. Thi. iiij.

Johann. xij.

geurteile / rechter kant vnd verstanden werden. Nemlich /
das der Herr in der einsetzung seines hailigen Nachmals /
nachdem er das Brot gebrochen / vñ den jungern das selbig
hett zü essen gegeben. Desgleichen auch auß dem kelch haili-
gen trincken. Ferner von seinem leyb vnd blüt / von der art /
natur vnd eigenschafft des selbigen redet vnd spricht. Das
sein leyb der für vns gebrochen / vñ sein blüt das da ist des
neuen Testaments / für vnns zür vergebung der sünd ver-
gossen (nemlich in der ordnung der hymnischen ding / vnd
des ewigen Götlichen wesens speisung vñ lebens) eben das
sey / innerlich der glaubigñ seel / was eusserlich dz gebrochen /
geessen Brot / vñ der eingeschenckte außgetruncken wein ist /
dem menschlichen leyb vnd natürlichen leben. Kurzlich / es
redet der Herr / das sein leyb fleisch vnd blüt / so für alle glau-
bigē gegeben / warhafftig ain speiß vnd erantck sey des ewi-
gen lebens. Damit er die vnersorschlichen reichthumb vnd
hymnischen schätze / die güte wolthat vnd gnaden / so er dem
armen menschen erworben / in ainer Summa anzeigt / wie
er dieselbigñ bey allen waren Chrißten wirckt / anlegt / durch
sein wort gibt vnd außtailet im hailigen gaist.

Siehe Mar-
ci. xiiij.

Eucharistia

Zu dem befiehlt er auch ferner seinen Jungern / das sy zü
seinem widergedechtnuß (nemlich der hymnischen gaben /
vnd gnedigen geschenck Gottes durch Chrißtum) das halten
vnd thün sollen / was sy vom Herren im geschicht des Brot-
brechens gesehen hetten. Das ist / das sy sollen mit ainander
in ainer Chrißtlichen versamlung des Herren Brot brechen /
das selbig bey des herin Nachmal essen / seinen tod außkün-
digen / im / dem Herren der gaistlichen speisung des waren
hymelbrots / welchs er selber ist / dabey lob vnd danck sagen.
Welcher nun solch Brot des Herren vnwürdiglich isset /
der sich ins Nachmal mit einmengt / vnd ist nit zü mor ain
freünd vñ Junger des Herren worden / das er des waren
hymelbrots Chrißti teilhafftig sey / im Nachmal damit ge-
speiset werde / der wirt schuldig des leybs vnd blüts des Herr-

i. Corin. xi.

ren. Er isset im selber das gericht / damit das er nit vnder
schaidet den leyb des Herren. Das er das ganz Mysterium
des Nachtmals / der menschwerdung vnd erlösung Christi /
gering achtet / Christum die speiß des ewigen lebens nit ken-
net / weder auff sich noch auff den Herren sieht / des gleichen
auch der mitglieder aller Christlichen brüder / in der liebe nit
wahrnimpt / noch sich in wolthat mit jnen vergleicht.

Un solcher isset vergeblich on nutz vñ mit schaden / er ver-
greiffte sich / wird dem Herrn sträfflich vnd büßfellig / eben
als wol als der Dsan / da er wider Gottes ordnung die hand
an die Archen legte. 2. Regum. 6. Vñnd als sich der Dsia
am Herren vergriff / da er sich vñnderstünd im Tempel des
Herren zü reüchen / vñd was doch kein priester. 2. Paralip.
26. wiedann dergleichen vil meer exempel in hailigen sch-
riften besunden werden.

Darumb sollen wir den Herren im ernst bitten / er wöll
vns von aller irrung bey seinem herlichen Nachtmal / vñd
beim Sacrament seines leybs vñd blüts gnediglich entle-
digen / vñd durch sein gnad vnser hertz züberaiten / auff das
wir züvor im erkandnuß vnser sünden / in der tödtung der
innerlichen begirden des flaischs / in der empfindelichait
der vergebung der sünden / vñd auch in der liebe Gotes vñd
des nechsten zünehmen / darinn et was geübt vñd versten-
dig werden. Auff das wir auch alsdann mit dem Herren Jesu
sein hailiges Nachtmal / vñd das Sacrament seines leibs
vñ blüts / würdiglich empfaben mögen zum ewigen leben /
Amen.

Caspar Schwencckfeld.

M. D. XXIX.

E 02850

A 00034228

[Faint, mostly illegible text, likely bleed-through from the reverse side of the page. The text is arranged in several paragraphs.]

M. D. XXIX

5 quiescēt tuorū splendor mirabi eplam & augustinus in mat feci steph
lis qui hodie ma die beatorū martirū tuorū stephani m
ehodem gamalielis & rabi bōn in uenone gloriosā re
uelasti da nobis singera leticia decorū societate gaudere
lunera tibi die nr̄e deuotionis offerimus.

quē & p tuorū tibi gratia sunt honore scōrū & nobis salutaria
te miserante reddantur. f. Ad cōp.

impissimus dn̄e scōrū tuorū stephani nichodem gamali
elis & rabi bōn sollempnitate sacra menta celestia presta
q̄ ut qd tēporaliter gerimus. gerimus gaudis consequamr̄

missid augnat scilicet p̄t. Sacerdos di benedicat d. Benedicti

Benedic dn̄e & befructus nouissime quod
Siqui confisicis quia ex nulla nra uirtute subsistimus con

